



Broj predmeta: 33-001539/21
Broj akta: 02-1348NH-0001/21
Datum, 22.4.2021. godine
Mjesto, Brčko

Na osnovu člana 34. Zakona o državnoj službi u organima javne uprave Brčko distrikta BiH („Službeni glasnik Brčko distrikta BiH“, broj: 09/14, 37/15, 48/16, 9/17, 50/18, 14/19, 24/20, 41/20 i 02/21), Odluke o raspisivanju javnih konkursa za 2021. godinu, broj predmeta: 33-000696/21, broj akta: 01.1-1413EK-004/21 od 1. 2. 2021. godine, Odluke o dopuni Odluke o raspisivanju javnih konkursa za 2021. godinu, broj predmeta: 33-000696/21, broj akta: 01.1-1413EK-021/21 od 11. 3. 2021. godine, Odluke o dopuni Odluke o raspisivanju javnih konkursa za 2021. godinu, broj predmeta: 33-000696/21, broj akta: 01.1-1413EK-026/21 od 17. 3. 2021. godine, Odluke o izmjeni i dopuni Odluke o raspisivanju javnih konkursa za 2021. godinu, broj predmeta: 33-000696/21, broj akta: 01.1-1413EK-030/21 od 1. 4. 2021. godine, Odluke o izmjeni i dopuni Odluke o raspisivanju javnih konkursa za 2021. godinu, broj predmeta: 33-000696/21, broj akta: 01.1-1413EK-037/21 od 15. 4. 2021. godine, i Odluke o dopuni Odluke o raspisivanju javnih konkursa za 2021. godinu, broj predmeta: 33-000696/21, broj akta: 01.1-1413EK-041/21 od 22. 4. 2021. godine, Odjeljenje za stručne i administrativne poslove – Pododjeljenje za ljudske resurse r a s p i s u j e

JAVNI KONKURS za prijem u radni odnos

NA NEODREĐENO VRIJEME

I. U ODJELJENJU ZA RASELJENA LICA, IZBJEGLICE I STAMBENA PITANJA

Pododjeljenje za rješavanje stambenih potreba raseljenih lica, socijalnih kategorija stanovništva i obnovu stambenih jedinica povratnika

1. ŠEF PODODJELJENJA

Opis poslova radnog mjesta i odgovornosti:

- rukovodi radom Pododjeljenja;
- organizuje rad Pododjeljenja kao i njegovih organizacionih jedinica – Odsjeka, saraduje sa šefom Pododjeljenja za pravne, administrativne i zajedničke poslove;
- neposredno je odgovoran šefu Odjeljenja;
- neposredno prati izvršavanje poslova u Pododjeljenju i Odsjeku i učestvuje u njihovom radu;
- pomaže šefu Odjeljenja u pripremi planova i programa rada i izvještaja o radu iz nadležnosti Odjeljenja;
- pomaže šefu Odjeljenja u pripremi akcionog plana s prijedlogom mjera za rješavanje primjedbi iz izvještaja Ureda za reviziju finansijskog poslovanja Odjeljenja, te sačinjavanju plana aktivnosti za upravljanje rizicima;
- vrši interne kontrole u skladu s internim pravilnicima Odjeljenja;
- vodi evidenciju stambenih jedinica i prati zakonitost korištenja istih;
- vrši godišnje ocjenjivanje rada svih zaposlenih u Pododjeljenju;
- vodi prvostepeni disciplinski postupak u skladu sa Zakonom i Pravilnikom;

- učestvuje u radu kolegija Odjeljenja;
- zamjenjuje šefa Odjeljenja u njegovom odsustvu u skladu sa Zakonom o Vladi;
- odgovoran je za pravilnu primjenu zakona, stručno, efikasno i pravovremeno izvršavanje poslova iz djelokruga rada Pododjeljenja;
- odgovoran je za finansijsko poslovanje Pododjeljenja u okviru predviđenih budžetskih sredstava;
- obavlja i druge poslove po nalogu šefa Odjeljenja.

Kvalifikacija za radno mjesto:

- stečena diploma visokog obrazovanja u trajanju najmanje četiri godine odnosno visoka stručna sprema (VSS), VII/1 koeficijent obrazovanja minimalno 240 ECTS bodova – društvenog smjera,
- pet godina radnog iskustva nakon sticanja navedene visoke stručne spreme,
- položen ispit za rad u organima uprave ili ispit položen na bilo kojem nivou vlasti pred nadležnim organima u Bosni i Hercegovini, u skladu s odredbama Zakona o državnoj službi u organima javne uprave Brčko distrikta Bosne i Hercegovine
- poznavanje rada na računaru (WORD, EXCEL, internet i elektronska pošta).

Broj izvršilaca: 1 (jedan)

Platni razred: VIII5 (mjesečna osnovna plata 2.142,11 KM).

Izabrani kandidat započet će s radom najranije 11. 6. 2021. godine.

II. U ODJELJENJU ZA JAVNE POSLOVE

Pododjeljenje za javne objekte

1. EKSPERT ZA VOĐENJE PROJEKATA ZA ELEKTROINSTALACIJE

Opis poslova radnog mjesta i odgovornosti:

- u saradnji sa zaposlenim zaduženim za pojedine grupe objekata prikuplja, objedinjava i evidentira projektnu dokumentaciju za elektroinstalacije i uređaje,
- učestvuje u izradi prijedloga programa za izgradnju novih javnih objekata u dijelu elektroinstalacija i uređaja,
- priprema tendersku dokumentaciju,
- pribavlja podatke za izradu predračuna za izvršenje programom predviđenih zadataka,
- vrši stalni stručni nadzor,
- obavlja i druge poslove po nalogu šefa Odjeljenja i šefa Pododjeljenja.

Kvalifikacija za radno mjesto:

- stečena diploma visokog obrazovanja u trajanju najmanje četiri godine, odnosno visoka stručna sprema (VSS), VII/1 koeficijent obrazovanja, minimalno 240 ECTS bodova, diplomirani inženjer elektrotehnike,
- tri godine radnog iskustva nakon sticanja navedene visoke stručne spreme,
- položen ispit za rad u organima uprave ili ispit položen na bilo kojem nivou vlasti pred nadležnim organima u Bosni i Hercegovini, u skladu s odredbama Zakona o državnoj službi u organima javne uprave Brčko distrikta Bosne i Hercegovine,
- položen stručni ispit iz oblasti elektrotehnike,
- poznavanje rada na računaru (Word, Excel, internet i elektronska pošta).

Broj izvršilaca: 1 (jedan)

Platni razred: VIII3 (mjesečna osnovna plata 1.940,58 KM).

Izabrani kandidat započet će s radom najranije 2. 6. 2021. godine.

NA ODREĐENO VRIJEME NAJDUŽE DO 2 (DVIJE) GODINE

III. U ODJELJENJU ZA POLJOPRIVREDU, ŠUMARSTVO I VODOPRIVREDU

Pododjeljenje za šumarstvo i vodoprivredu

1. LOVOČUVAR

Opis poslova radnog mjesta i odgovornosti:

- obavlja poslove zaštite i čuvanja divljači od protuzakonitog korištenja i ugrožavanja
- vrši nadzor i zaštitu cjelokupne divlje faune
- poznaje stanje lovnih resursa, granice i cjelokupnu površinu teritorija koji mu je povjereno na čuvanje
- sprečava svaku pojavu nezakonitog lova
- od lica zatečenog sa sredstvima za lov ili lovačkim psima u lovištu zahtijeva da pokaže lične isprave kojima se utvrđuje njegov identitet, dozvolu za lov, oružni list kao i dokumente koji potvrđuju rasnost i identitet pasa
- od lica zatečenog u vršenju prekršaja ili krivičnog djela, koji se odnose na lov i od lica za koje postoji osnov sumnje da je izvršilo takvo djelo ili prekršaj zahtijeva lične isprave, ako ne može na drugi način utvrditi identitet tog lica
- vrši pregled vozila i drugih sredstava za prevoz i prenošenje stvari radi pronalaženja predmeta kojima je izvršen prekršaj ili krivično djelo koji se odnose na lov
- vrši pregled vozila i drugih sredstava za prevoz i prenošenje stvari za koja postoji osnov sumnje da prevoze, odnosno prenose ulovljenu divljač, dijelove ulovljene divljači ili trofeje od divljači
- pregleda ulov i sredstva za lov radi utvrđivanja da li je lov obavljen u skladu s propisima
- privremeno oduzima ulov, sredstva za lov, kao i druge predmete pronađene u lovištu, ako postoji osnov sumnje da su upotrijebljeni ili namijenjeni za izvršenje krivičnog djela ili prekršaja koji se odnose na lov ili su nastali i pribavljeni izvršenjem krivičnog djela ili prekršaja
- licu od kojeg je oduzeo ulov, pse, sredstva i druge predmete za lov, izdaje potvrdu o oduzimanju navedenog
- o utvrđenim nezakonitim radnjama na terenu sačinjava službenu zabilješku i bez odlaganja obavještava šumarskog inspektora, Policiju Brčko distrikta BiH i Odjeljenje za poljoprivredu, šumarstvo i vodoprivredu
- o učinjenom prekršaju ili krivičnom djelu bez odlaganja podnosi pismenu prijavu Odjeljenju za poljoprivredu, šumarstvo i vodoprivredu
- svakodnevno vodi dnevnik rada
- vrši dojave čuvarima šuma u vezi sa nezakonitim sječama na području Brčko distrikta BiH
- prisustvuje sudskim ročištima u ulozi svjedoka
- učestvuje u radu komisija za procjenu šteta iz oblasti lovstva
- obavlja i druge poslove koje nalože šef Odjeljenja i šef Pododjeljenja.

Kvalifikacija za radno mjesto:

- stečena diploma srednjeg obrazovanja – IV. stepen
- položen ispit za rad u organima uprave ili ispit položen na bilo kojem nivou vlasti pred nadležnim organima u Bosni i Hercegovini, u skladu s odredbama Zakona o državnoj službi u organima javne uprave Brčko distrikta Bosne i Hercegovine
- položen lovački ispit ili tokom školovanja položen predmet iz oblasti lovstva u skladu s članom 42. stav (2) Zakona o lovstvu Brčko distrikta Bosne i Hercegovine („Službeni glasnik Brčko distrikta BiH“, broj 1/15)
- poznavanje rada na računaru (Word, Excel, internet i elektronska pošta)
- ispunjavanje uslova za nošenje lovačkog oružja.

Broj izvršilaca: 1 (jedan)

Platni razred: V4 (mjesečna osnovna plata 981,67 KM).

Izabrani kandidat započet će s radom najranije 1. 7. 2021. godine.

Kandidati koji su zainteresovani za prijem u radni odnos po raspisanom Javnom konkursu dužni su podnijeti prijavu u propisanom roku, a materijalno i krivično su odgovorni za tačnost podataka navedenih u prijavi.

Pravo prijave na Konkurs imaju kandidati koji pored navedenih kvalifikacija za radno mjesto, moraju ispunjavati sljedeće **opće uslove** za zasnivanje radnog odnosa: da je državljanin BiH, da je punoljetan, da je zdravstveno sposoban za vršenje poslova upražnjenog radnog mjesta, da se protiv njega ne vodi krivični postupak za sva krivična djela, osim za krivična djela protiv sigurnosti javnog saobraćaja, da se na njega ne odnosi član IX. stav (1) Ustava BiH, da u posljednje tri (3) godine (počevši od dana objave Konkursa) nije otpušten iz državne službe u institucijama BiH odnosno entiteta i Distrikta usljed pravosnažno izrečene disciplinske mjere.

Potpisana prijava na Javni konkurs dostavlja se lično u zgradu Vlade Brčko distrikta BiH – Bulevar mira br. 1, šalter 6 ili 7, a putem pošte prijave treba slati na adresu: VLADA BRČKO DISTRIKTA BiH – ODBOR ZA ZAPOŠLJAVANJE – Bulevar mira br. 1, najkasnije do **7. 5. 2021. godine do 15.00 sati**.

Obrazac prijave može se preuzeti na infopultu u zgradi Vlade Brčko distrikta BiH i na internet stranici Vlade Brčko distrikta BiH (www.bdcentral.net).

Nepravovremeno prispjele prijave neće biti razmatrane.

Konkurs je otvoren od dana objave na internet stranici Vlade Brčko distrikta BiH i traje **do 7. 5. 2021. godine**.

NAPOMENA

Selektovani kandidati s kojima će se obavljati testiranje/intervju o datumu, mjestu i terminu **ISKLUČIVO SE OBAVJEŠTAVAJU PUTEM SLUŽBENE INTERNET STRANICE** Vlade Brčko distrikta BiH (www.bdcentral.net).

U skladu s članom 39. stav (2) Zakona o državnoj službi u organima javne uprave Brčko distrikta BiH („Službeni glasnik Brčko distrikta BiH“, broj: 09/14, 37/15, 48/16, 9/17, 50/18, 14/19, 24/20, 41/20 i 02/21) kandidati za radna mjesta koji nemaju položen ispit za rad u organima uprave mogu ravnopravno konkurisati i biti izabrani kao i kandidati koji imaju položen ispit, uz obavezu da u roku od šest mjeseci od dana sticanja uslova za polaganje ispita polože ispit za rad u organima uprave.

Za diplome koje su stečene u inostranstvu nakon 6. 4. 1992. godine potrebna je nostrifikacija.

Potpisana prijava koja se podnosi važi samo za navedeni Konkurs.

Nakon obavještenja Odbora za zapošljavanje o izboru kandidata izabrani kandidati dostavljaju dokumente kojima dokazuju tačnost podataka kojima se potvrđuje ispunjenje općih uslova i kvalifikacija za radno mjesto.

Sve informacije u vezi s Konkursom mogu se dobiti u Odjeljenju za stručne i administrativne poslove – Pododjeljenju za ljudske resurse putem telefona: 049 / 240-655.

pripremila:

Marija Vučković, mag.

**Šef Pododjeljenja
za ljudske resurse**

Arijana Čulibrk, dipl. pravnik

**Šef Odjeljenja za stručne i
administrativne poslove**

Mr. sc. Nedim Hamzabegović